



Province of the
EASTERN CAPE
EDUCATION

NATIONAL SENIOR CERTIFICATE

GRADE 12

SEPTEMBER 2010

MEMORANDUM

SESOTHO PUO YA LAPENG – PAMPIRI YA 2

Pampiri ena e na le maqephe a – 11.

TATAISO HO BATSHWAYI**KAROLO YA A: DITHOTHOKISO****POTSO YA 1****[THOTHOKISO E SA RUPELLWANG]****SI 2 MT 2.7; 4.7 SI 3 MT 2.3 SI 4 1,9, 2.11**

- 1.1 Mmetla kgola o e lebisa ho wa habo. (1)
- 1.2 “A ikgakanyetsa batsamai, baja-noha”.
Sejura mona e bontsha mantswa a moelelo o le mong, ho latela maele a reng: motsamai o ja noha. (2)
- 1.3 Ka ha mmetlakgola o e lebisa ho wa habo, boramesebetsi ka nako e nngwe ba tlodisa mahlo batho ba nang le boiphihlelo ka botlalo, ebe ba nka mehahabobona le ha ba sena tsebo ya mosebetsi. (3)
- 1.4 E lokile, ha feela mosebetsi o nehwa motho ya o tshwanetseng/
Ha e ya loka, ha batho ba tingwa mosebetsi feela bitsong la hore ha se ba tikoloho eo. (3)
- 1.5 D (Ditokomane tse pakang thuto e batsi eo motho a e fihletseng). (1)

[10]**DITHOTHOKISO TSE RUPELLETSENG [DI TLOHA POTSONG YA 2 HO ISA HO YA 4]****POTSO YA 2****SI MT 4.7****Makgabane**

- Tlohelo/kgonyetso (sehloho le mol. 8), e neha ‘sephiri’ sefutho
 - Neheletsano/phetapheto e tsepameng (mel. 2 & 3, 9 & 10), e hokela/tlamahanya melathothokiso
 - Mantswa a raraneng (mol. 3) ho fana ka morethetho
 - Phetapheto e rapameng (mel. 3, 9, 10), ho hatella/sidilella moelelo
 - Sejura/kgefutsohare/molakgefutso (mol. 20), ho pheta moelelo (ho fana ka lehlalosongwe).
 - Phetapheto e tshekalletseng (mel. 17 & 18, 3 & 4, 9 & 10), e hopotsa mmadi se toboketswang
 - Komelo ya maele (mol. 11, ho fana ka morethetho le ho natefisa
 - Pheteletso (mol. 6), ho hatella, jj.
- [Le tse ding tse salletseng = moithuti a fane ka **makgabane a mararo** feela, a hlalose mosebetsi wa ona]

[10]

Kabo ya Matshwao (10):

Dikahare: 06

Puo le setaele: 04

Kaofela : 10

POTSO YA 3

SI 2 MT 2.7; 4.7 SI 3 MT 2.3 SI 4 1,9, 2.11

- 3.1 Ke kodiama, e bua ka ho hloka-hala ha motho ya itseng. (3)
- 3.2 Ke seboko se etswang ke ba llelang mofu. (1)
- 3.3 D (Bobedi B le C di nepahetse) (1)
- 3.4 Lapatlapatla ke la batho ba mathang ba tsamaisa pehi kapa ba ferekaneng ka baka la lefu le hlahileng. (1)
- 3.5 Selatediso/asonense/poeletsamodumo (1)
- 3.6 Kgonyetso (tlohelu)/neheletsano/phetapheto ya moelelo (1)
- 3.7 Melemo ya mofu: o fane ka thuto
o lerato bathong
e ne e le mothusi wa setjhaba
[ntlha tse **pedi** fela] (2)
- [10]**

POTSO YA 4

SI MT 4.7

Raleqheka: moqoqo ka mookotaba:

- Thothokiso e bua ka monna ya ileng a ikgakanya ho qoba lefu ntweng;
- O lohile leqheka kapelepele, a ikgakanya ya e ba 'mosadi', ntweng ya Seshophe (wa Matshekga, Bakwena) le Molapo (wa Dinare, Bahlakwana);
- Bahlabani ba pele ba mo fetile ba sa mmone;
- Ba latelang bao ba mmona, ka ha o hlokile nako ya ho kuta ditedu ;
- Ke ha a pepetlotseha, a iketsa lehlanya;
- Lebitso (Raleqheka) le tsamaisana le mekgwa ya hae;

Thuto/molaetsa: E ka kgona ha o le tsietsing o sebedise kelello kapele. **[10]**

Kabo ya Matshwao (10):

Dikahare: 06

Puo le setaele: 04

Kaofela : 10

KAROLO YA B: NOBELE/PADI**POTSO YA 5****SI 2 MT 4.5; 4.4; 4.5; 4.6****SI 4 1.9; 2.11**

5.1 Ke Mme (1)

5.2 Lefu la Mme le baka pherekano, ka ha Mofokeng (monga motse) o ne a so mmone le neneng feela – jwale o se a utlwa ho thwe o hlokahele, mme o moo ha hae. (3)

5.3 Mmateboho o ile a ngongoreha (kgohlano ya ka hare) hore Mofokeng O tla di amohela jwang ditaba tsa lefu la Mme, ya bileng a leng ha hae (Mofokeng). Mofokeng le ba habo ba tswepetse Mmateboho mahlo, hore a hlakise taba ena hantle (kgohlano e mahareng a batho). Mmateboho ha a tswe molomo empa o itshela ka dikgapha, ha Bafokeng bona ba itlatlarietsa ka hore Thollo o ba patisa motho eo ba sa mo tsebeng. Ya e ba letlaburu. Thollo a thusa ka ho se hatelle Mmateboho ha ho se dikarabo. (6)

5.4 **Botho ba Mofokeng:**

- Mofokeng o lonya. Ha a na tjantjello ya ho tseba motho eo motse o dumadumang ka yena, ha a tsotelle le ho mmona.
- O tletse bolotsana. O nyala mosadi e mong a sa rerisa ba lelapa.
- Ha a na qenehelo. O nyala ngwana ya monyane a sa mo rerisa, hobane feela ngwana a bile le botho ba ho mo thodisa tjhelete e neng e lahlehile. [dintlha tse ntseng di le motjheng di amohelhe. (6)

5.5.1 O ne a sa lore. Ho ne ho hlile ho na le mofu ha hae (Mme). (2)

5.5.2 Ha e ya phethiswa. Mme o patetswe ha Mofokeng. (2)

5.6 Ho a qabanya ka nako e nngwe. Mothating ona lekunutu la Mmateboho le bakile kgohlano ho monna le mosadi. Ka hlakoreng le leng ho boloka lekunutu ho boloka kgotso. Lekunutu la Mme le bolokile kgotso dipakeng tsa Mmateboho le Thollo. (5)

[25]

POTSO YA 6**SI 2 MT 4.3; 4.4**

Mongodi o sebedisitse **teketliso** ka katleho:

- Mme ha re qetelle re mo tsebile hore ke mang hantlente – re dutse re lebelletse hore re tla be re mo tsebe;
- Seo Mme a se tletseng Sebokeng se patehile a ba a itlhokahalla a sa se etsa;
- Re le babadi e ke re ka be re bone setshwantsho se sephuthelwaneng, empa ha ho be jwalo;
- Ho se tsebe Mme ha Mofokeng ho thusa ho boloka lekunutu la hae;
- Diseko o utulla sephiri sa lengolo le ditshwantsho – empa le yena, jwalo ka Mme, o rera ho itholela – ha a batle ho nya matsete;
- Re dutse re fanyehilwe/leketlisitswe ka ho se tsebe Mme ka botlalo hong le seo a se nahanang – pale e bile ya fela maikutlo a hae a le ho yena, mme re ntse re sa a tsebe.

[Dintlha tse ding tse ntseng di le motjheng, di amohelahe.]

[25]

KABO YA MATSHWAO (25):**Dikahare [15]:**

- Matshwao a 0 – 4 bakeng sa **boiteko bo fokolang**;
- Matshwao a 5 – 8 bakeng sa **boiteko bo bohareng**;
- Matshwao a 9 – 12 bakeng sa **boikitlaetso bo babatsehang**;
- Matshwao a 13 – 15 bakeng sa **boikitlaetso bo tswileng matsoho**.

Puo le Setaele (10):

- 0 – 2 ha moralo le puo di fokola;
- 3 – 5 ha moralo o tshepisa, le puo e le e utlwahalang;
- 6 – 8 ha moralo le puo di babatseha;
- 9 – 10 ha moralo le puo di tswile matsoho (selelekela, mmele le sephetho di le teng, ka puo e phethahetseng).

Senotlolo: Dik = 15

P/S = 10

25

POTSO YA 7**SI 2 MT 4.5; 4.4; 4.5; 4.6****SI 4 1.9; 2.11**

7.1 Mafosi. Moruti o etetse motjhesi wa hae Mmadibakiso; ebile o a tseba hore Kotsi ha a yo. (3)

7.2 Ho bolelwa hore tharollo ya bothata ba ho se tsebe ba habo ke ho ya lebitleng la bona, moo ho ngotsweng ditaba tsa kotsi e neng e hlahele yena le ba habo. (3)

7.3 Mmamasolomane (1)

7.4 **Botho ba Mmadibakiso:**

- O pelo e mpe. O ja lefa la kgutsana (Tsietsi) hampe, e bile o a e sotla;
- O mekgwa e mebe. O mathaka le moruti empa a nyetswe;
- O puo di mpe. O re Tsietsi ke moleko wa ngwana, empa ho se jwalo. (6)

7.5 7.5.1 - Ka ha e le moruti, Moshebi o tshwanela hore o ne a ikane ka botshepehi le ho boulella pitso ya hae;
- Jwale o boela a boulella dikano tse mpe, tse kang ho mathaka le mosadi wa motho. (2)

7.5.2 Moruti o tlilo “rapella” Mmadibakiso ka ha o tshwerwe ke hlooho” (2)

7.6 **Mohanuwa:**

- O ipha tlotla ka borui ba ntatae – o re batho ke mehofe;
- O ipona botho yena feela – ba bang ke ‘disarabane’;
- Ke moeki – o hohella Tsietsi moratanong a ho kwenehelang ha nako e ntse e tsamaya;
- O leqoophe – o tsekella ho iphetetsa hobane Tsietsi a hanne ho kgutlelana le yena. (6)

7.7 **Pheteletso ya sebetse sa Tsietsi:**

- O fekisa dinokwane tse ngata tse hlometseng thata a le mong (ha Ramatlotlo);
- O phelephanyetsa dinokwane morung;
- O phelephanyetsa lebotho la mapolesa a lekang ho mo tshwara. [tse **pedi** feela] (2)

[25]

POTSO YA 8**SI 2 MT 4.3; 4.4****Bitsolebe ke seromo**

- Tsietsi o qala ho kena tsietsing ha ho hlokahala ba habo kaofela, a sale a le mong;
 - Mohatsa kotsi o mo phedisa ha bohloko – ha a tshwanela ho kena sekolo ke tsietsi, le sekolong ha ho motho ya mo lefellang tjhelete le ho mo etsetsa ditshwanelo tsa ngwana wa sekolo;
 - O tsietsing ya ho etselletswa ka ho utswa radio le tjhelete, hobane ha a sa na mang we!
 - O tsietsing ya ho ratana le Mohanuwa ya soto – ya mo lelekisang ho be ho shwe Tseleng, motjhesi wa hae;
 - O tsietsing ya ho baleha molao, a ipata merung, a ikgakanya;
 - Ha a shwelwa ke mosadi, o tsietsing ya hore lesea la bona le tla hola jwang;
 - Ha a leka ho thaba, ntja tsa mmuso di a mo nkgella moo a leng teng.
- [Dintlha tse motjheng di amohelwe.]

[25]**KABO YA MATSHWAO (25):****Dikahare [15]:**

- Matshwao a 0 – 4 bakeng sa **boiteko bo fokolang**;
- Matshwao a 5 – 8 bakeng sa **boiteko bo bohareng**;
- Matshwao a 9 – 12 bakeng sa **boikitlaetso bo babatsehang**;
- Matshwao a 13 – 15 bakeng sa **boikitlaetso bo tswileng matsoho**.

Puo le Setaele (10):

- 0 – 2 ha moralo le puo di fokola;
- 3 – 5 ha moralo o tshepisa, le puo e le e utlwahalang;
- 6 – 8 ha moralo le puo di babatseha;
- 9 – 10 ha moralo le puo di tswile matsoho (selelekela, mmele le sephetho di le teng, ka puo e phethahetseng).

Senotlolo: Dik = 15
 P/S = 10
 25

POTSO YA 9**SI 2 MT 4.5;4.7; 4.9; 4.12****SI 4 MT 2.11**

- 9.1 Ramafothole le Ngatane (2)
- 9.2 Ho theola molefi bookameding ba hae, ebe ke bona ba kotsomalang se maratswana. (2)
- 9.3 Molefi o hana ho eletswa, qetellong dintho ha di mo tsamaele hantle, o kena tsietsing ya ho tletlebisa beng ba mosebetsi – e bile o a “thwebolwa”. (2)
- 9.4 Maikutlo a tla fapana
- Ee, hobane mongodi o bontshitse hore motho ya sa mameleng o wela tsietsing.

KAPA

- Tjhe, ka ha mongodi o phethela pale ya hae ka ho atlehisa lehlakore la bobbe le bolwantshi. (3)
- 9.5 **Semelo sa Mapetla:**
- O pelo e mpe. Ke moloi – o loya Molefi;
 - O mona – o tsekisa ba ha Pitso katleho ya mora bona Molefi;
 - Ha a na tjhebelopele – ha a tshwanela ho leka ditsela tsa ho intlafatsa bophelong, o batla ho hulela ba bang fatshe, ho yena – ba tle ba “je papa le sepaile, kapa phaate”! (jj.) (6)
- 9.6 C (Takadimane, Montsheng, Disebo) (1)
- 9.7 Mapetla o ile a sokela Molefi hore o sa tla be a tsamaye ka maoto jwalo ka bona. (2)
- 9.8 Molefi o rutehile;
o sebetsa mosebetsi wa maemo;
o ntlafaditse motse wa habo – ho jewa le dijo tse monate;
o rekile koloi.
[tse **tharo** feela] (3)
- 9.9 Bodumedi ba se-Kreste le ba setso. Molefi le ntatae ba dumela ho bo-Kreste, ha ba batle ha Molefi a tiiswa ka methokgo, athe mme wa Molefi le kgaitsemi ba dumela hore methokgo e ka thusa. (4)

[25]

POTSO YA 10**SI 2 MT 4.9**

10.1 **Tlhekelo** (Hona ho momahanya tlhahiso ya dibapadi tsa sehlooho le tikoloho – e kenyeletsang nako le sebaka seo diketsahalo tsa buka di leng teng):

- Sebapadi sa sehlooho ke Molefi.
- Nako ke e mahareng, hobane Mafotholeng ho sa silwa athe le metsi a sa kguwa didibeng; ha ditoropong ho kgantshwa mabone, ho le makoloi, dipetlele, baoki le diyunibesithi.
- Sebaka: Tikoloho-kakaretso ke Leribe (Mafotholeng) le Maseru; ha tikoloho-popeho e le sepetlele, lefapheng la toka (molao), mahae, ditameneng, jj.

10.2 **Sesosa:**

- (1) Ho tswellella ha Molefi dithutong le ho atleha ha hae mosebetsing le bophelong. Tsena di fehla mohono ho Mapetla le basebetsimmoho ba hae (Molefi), bao a bileng a ba okametseng;
- (2) Ha Molefi a nyahlatsa Montsheng kgohlano e ba pakeng tsa hae le mmae le kgaitsebiae ;
- (3) Ha Molefi a nena dikeletso, kgohlano e tswela pele.

10.3 **Sehlohlolo** (diketsahalo tsa sengolwa di boemong bo hodimodimo, ke mona moo kang ya monna e kgaolwang ke letlaka – ho mahlakore a lwantshanang, ho na le le hlolang);

- (1) Molefi o hlanamelwa ke dikgarebe, ho tloha ho Jwalane ho isa ho Morongwe;
- (2) O hlahelwa ke kotsi ya koloi;
- (3) Mosebetsi wa hae o tlokotsing;
- (4) Ditlhare tsa Mapetla di bonahala di sebetsa.

10.4 **Mothipoloho le sephetho/qetelo** (sefutho sa pale/tshwantshiso se ya theoha, dintho di batla di boela tshimolohong);

- (1) Molefi o lahlehelwa ka hohlehohle, le Montsheng o se a nyetswe ke titjihere;
- (2) Yena o a “thwebolwa” (o nkuwa ke dintho tsa bosiu);
- (3) Ntatae ke hona a elellwang hore o diehile ho nka bohato (o haha serobe phiri e se e jele!);
- (4) Lehlakore la Mapetla (molwantshi) le a tswellella/hlola.

POTSO YA 11**SI 2 MT 4.5;4.7; 4.9; 4.12****SI 4 MT 2.11**

- 11.1 Reneketso (1)
- 11.2 O mo ntsheditse Thekong. (1)
- 11.3 Mmantwa (1)
- 11.4 Ke Moremi, ka ha yena o leka ho kgalema Mmantwa. (3)
- 11.5 Tjhe (e fosahetse). Ha ho moo moetlo wa sesotho o rupellang seo teng. (3)
- 11.6 Kgohlano e bakwa ke ho fihla ha Mmantwa ka mora nako mehla ena. (2)
- 11.7 Le hoja ba ipitsa metswalle, ha ba phahlelane makunutu, hape ha ba so etelane! (2)
- 11.8 (1) Dineo ha a na kgalemo (ho seng jwalo a ka be a eletsa Mmantwa hantle);
 (2) Ke moji (o thabela ho fuwa tjhelete ke mohlankana wa moradiae, ya so kang a mmona);
 (3) O a tella (o bitsa Moremi “monna towe”), o a mo tenehela ka ha o tla mo ntsha mejo hanong. jj. (6)
- 11.9 O re ”mme mpolaye”, ha a bue letho ka ntatae./
 O re a ka fihla neng kapa neng lapeng, empa a tseba hore ntatae o batla a fihle hae ka nako - o dutse a kgalema taba tsa bosiu. (2)
- 11.10 Le ho ka! Moremi o elellwa hore Sefako ke sefelekwane, ha Sefako yena a le dihlong ka seo a se entseng motswallae. (4)

[25]

POTSO YA 12**SI 2 MT 4.9**

- 12.1 Mmalerato o imme, hoo ho etsa hore a tshwenyehe ka ha o se a ile a ima ha bedi ka pele, mme a nna a senyehelwa. Ho ima kgetlo la boraro ho etsa hore a sarelwe, ha a nahana hore le ena mpa e tloha e sa loke. Jwale o qadisa ho nyatsa Modimo, ka ha a nahana hore ke mesebetsi ya Hae.
- 12.2 Monna o mo kgothatsa ka hore a tshepe yena Modimo hape – ho hang a se fellwe ke tshepo; a be le maikutlo a ho re kgetlong lena ditaba di tla loka, athe le ha di sa loke tshepo yona ha e lahlwe – ebile Modimo ha a tenehelwe.
- 12.3 Mona maikutlo a tla fapana:
Ba bang ba ka re ba ne ba tla dula ba tshepile (ka mabaka), ha ba bang ba ka ananela maikutlo a Mmalerato (ka mabaka).

[25]**KABO YA MATSHWAO (25):****Dikahare [15]:**

- Matshwao a 0 – 4 bakeng sa **boiteko bo fokolang**;
- Matshwao a 5 – 8 bakeng sa **boiteko bo bohareng**;
- Matshwao a 9 – 12 bakeng sa **boikitlaetso bo babatsehang**;
- Matshwao a 13 – 15 bakeng sa **boikitlaetso bo tswileng matsoho**.

Puo le Setaele (10):

- 0 – 2 ha moralo le puo di fokola;
- 3 – 5 ha moralo o tshepisa, le puo e le e utlwahalang;
- 6 – 8 ha moralo le puo di babatseha;
- 9 – 10 ha moralo le puo di tswile matsoho (selelekela, mmele le sephetho di le teng, ka puo e phethahetseng).

Senotlolo: Dik = 15
P/S = 10
25

MATSHWAO KAOFELA: 80